

LANGFORD, JOHN (1650? - 1715/6?).

Enw: John Langford
Dyddiad geni: 1650?
Dyddiad marw: 1715/6?
Rhyw: Gwryw
Maes gweithgaredd: Crefydd
Awdur: David Gwenallt Jones

Ganwyd yn Rhuthyn (gweler yr erthygl ar [deulu Langford](#) o Drefalun, Gresford). Ymaelododd yng Ngholeg Eglwys Crist, Rhydychen, 23 Gorffennaf 1656 : B.A., Rhydychen, 1659-60; M.A., o Goleg Iesu, Caergrawnt, 1669. Gwnaed ef yn rheithor Efenechtyd, sir Ddinbych, 1 Ebrill 1663, yn rheithor Derwen, sir Ddinbych, 20 Mai 1672, yn rheithor Llanellidan, sir Ddinbych, 19 Mehefin 1684. Cyfieithodd *Holl Ddled-swydd Dyn, Gwedi ei osod ar lawr mewn ffordd hynod ac eglur, defnyddiol i bawb, ond yn enwedig i'r darlennydd mwyaf annyscedig ... A gyfaithwyd yn Gymro-aeg gan Jo. Langford A.M. ... 1672*; ac ar dudalen 412 ceir hyn: *Duywo' der neilldwol ar amryw achosion yn gystal cyffredinol ac anghyffredinol ... 1671*. Cafwyd ail argraffiad yn 1711. Cyfieithwyd y llyfr hwn hefyd gan [Edward Samuel](#) yn 1718, ac ef oedd un o'r Cyfieithiadau mwyaf poblogaidd gan y S.P.C.K. yng Nghymru. Argraffwyd y llyfr gwreiddiol, *The Whole Duty of Man*, yn 1658, a thybir yn gyffredin mai'r Dr. Richard Allestree oedd ei awdur. Darllenid darnau ohono, weithiau, fel pregethau yn yr eglwysi.

Awdur

David Gwenallt Jones, (1899 - 1968)

Ffynonellau

Foster, *Alumni Oxonienses*

A. Ivor Pryce, *Diocese of Bangor During Three Centuries, seventeenth to nineteenth century inclusive being a digest of the registers of the bishops* (1929)

'Hanes y S.P.C.K. yn sir Gaerfyrddin o 1700 hyd 1730' gan Mary Clement (traethawd M.A.)

Darllen Pellach

Erthygl Wicipedia: [John Langford](#)

Dolenni Ychwanegol

Wikidata: [Q20354071](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfeyrdiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

